

17  
DISSERTATIO INAUGVRALIS MEDICA  
DE  
SALVTARI ET NOXIO  
**DIVRETICORVM**  
MEDICAMENTORVM VSV,

---

QVAM  
SVB AVSPICIIS SVMMI NVMINIS  
ET  
CONSENSV GRATIOSAE FACVLTATIS MEDICAE  
PRAESIDE

*VIRO ILLVSTRI, EXCELLENTISSIMO ET EXPERIENTISSIMO*  
DOMINO

**D. ANDREA ELIA BÜCHNERO,**

SACRI ROMANI IMPERII NOBILI,  
POTENTISSIMO BORVSSIAE REGI A CONSILIIS INTIMIS,  
MEDICINAE ET PHILOS. NATVRAL. PROFESS. PVBL. ORDIN.  
IMPERIAL. ACADEM. NATVRAE CVRIOSOR. PRAESIDE  
ET COMITE PALATINO CAESAREO,

**PRO GRADV DOCTORIS**

SVMMISQVE IN MEDICINA HONORIBVS ET PRIVILEGIIS  
DOCTORALIBVS LEGITIME IMPETRANDIS,

*AD - D. XXIII. IVN. A. S. R. MDCCXLIX.*

PVBlice DEFENDET

AVCTOR

**IOHANNES GODOFREDVS CLASS,**

GLOGOVIA - SILESIVS.

---

*HALAE MAGDEBVRGICAE,*

TYPIS IOANNIS CHRISTIANI HILLIGERI, ACAD. TYPOGR.





VIRO  
ILLVSTRI, EXCELLENTISSIMO  
ET CONSVLTISSIMO  
DOMINO  
IOHANNI HENRICO  
LVCANO,

SACRAE REGIAE MAIESTATI BORVSSORVM  
A CONSILIIS INTIMIS,  
INCLVTAE CVRIAE REGIAE SVPREMAE,  
QVAE GLOGOVIAE EST,  
PRAESIDI SECVNDO  
SPECTATISSIMO,  
DOMINO AC MAECENATI SVO  
PERQVAM GRATIOSO,  
RES PVBLICAS  
SAPIENTISSIMIS CONSILIIS REGENTI,  
SALVTEM CIVIVM  
OPTIMA ET SPECTATISSIMA FIDE  
TVENTI,  
PIA DEVOTIONE AETERNVM SVSPICIENDO.



VT ET  
SPLENDIDISSIMO AC AMPLISSIMO  
EIVSDEM LOCI

REGIO COLLEGIO MEDICO ET SANITATIS,

VIRIS

ILLVSTRI, EXCELLENTISSIMIS, EXPERIEN-  
TISSIMIS, AMPLISSIMISQVE

DOMINIS

DIRECTORI,

DECANO,

ET RELIQUIS  
EIVSDEM SPECTATISSIMIS

ASSESSORIBVS,

PRVDENTIA, DOCTRINA, VIRTUTE  
MVNERVMQVE AVCTORITATE  
ORNATISSIMIS,

DOMINIS MAECENATIBVS ATQVE PATRONIS

OBSERVANTIA, PIETATE ET OBSEQVIO  
COLENDIS, DEVENERANDIS,

HASCE QVALESCVNQVE INAVGVRALES PAGINAS,  
INTER ARDENTISSIMA

PRO EORVM

SALVTE, INCOLVMITATE, FELICITATE  
NVNCVPATA VOTA,

IN VLTERIOREM STVDIORVM SVORVM COMMENDATIONE  
SACRAS ESSE CVPIT,

TANTORVM TAMQVE ILLVSTRIVM AMPLISSIMORVMQVE NOMINVM  
CVLTOR PERENNIS,

IOHANNES GODOFREDVS CLASS.





Q. D. B. V.

§. I.



Vitam humanam ratione sanitatis variis  
absolui vicissitudinibus, adeo cogni-  
tum singulis terrae huius incolis exi-  
stit, vt nemo sane de huius asserti ve-  
ritate unquam sit dubitaturus. Si  
enim quotidie quaedam in corpus no-  
strum ingeruntur, variisque partium  
motibus ac liquidorum mixtionibus in huius sub-  
stantiam rediguntur, multa in his postmodum in  
conspectum prodeunt, quae tanquam superflua &  
ad partium corporis naturam non pertinentia, mini-  
me intra illud retineri debent, quoniam si ibidem  
manerent, sanitatem ac vitam potius destruerent,  
quam conseruarent. Excernenda igitur erunt iuxta  
leges naturae, motu perpetuo, & resolutione atque



praeparatione massae ad excretionem, de cuius necessitate quotidiana optimum testimonium praebet experientia. *a)*

*a)* Conf. *Frider. HOFFMANNI* Medicina ration. system. Tom. I. Lib. II. Cap. VIII. p. 384. seqq.

## §. II.

Inter eiusmodi sanitatis praesidia non vltimum occupat locum *diuresis*, siue excretio vrinae, qua particulae cum sanguine ad renes allatae lymphae maiores, non solum spirituosae, sed & tartareae, sulphureae, seu pingues, salinaeque mediae, in horum substantia vasculoso-tubulosa *b)* colliguntur, in vasis secretoriis, siue tubulis vrinariis Bellini, pro vehuntur, in papillis sic dictis renalibus, ad peluim abeuntibus, secernuntur, vbi proprio pondere ac harum viarum mechanica actione descendunt ad vesicam vrinariam, in qua, quia retrocedere nequeunt, conseruantur vsque ad sufficientem quantitatem, qua muscoli quidam extenduntur, alii ad constrictionem irritantur. His factis, ob vitalem elasticitatem sphincter vesicae aperitur, & hac ratione vrina per urethram, mediantibus inspiratione & pressione musculorum abdominis, redditur. Omnes enim viae vrinales, siue communes, siue propriae, componuntur ex tubulis nerueis & musculosis, peculiari elatere & tono, adeoque etiam motu dilatationis & constrictionis, gaudentibus.

*b)* Vid.



- b) Vid. Excellent. HEISTERI Compendium anatomicum, edit. cl. l. ccxxvii. p. 80. & 322. it. RAYMUNDI VIEVSSENII nouum vasorum corporis humani systema, a pag. 194 - 199.

§. III.

Vrina itaque a sanguine secreta, & per vasa dicto superius modo excreta, sanitatem indicat, quando intuitu characterum ab aliis sanorum hominum vrinis non differt, nempe quoad quantitatem, contenta, substantiam siue consistentiam, elementa, colorem, tempus consuetum & modum excernendi ordinarium, vti hoc monstrant scripta celeberrimorum, qui Semilogiam tradiderunt, virorum c). Si talis autem quoad characteres dictos ab aliis sanorum hominum vrinis manifesto differt, sanitatem qua dantenus vitiatam, aut iam destructam esse, ostendit.

- c) Vid. *Christian. VATER* in Semiotica medica, a pag. 116 - 142. it. *Fundamenta Semiologiae medicae*, ab Illustri PRAESIDE nuperrime edita, Cap. IV. pag. 39. seq.

§. IV.

Talis posterior diuresis vitiosa corrigitur ac emendatur medicamentis, quae generali nomine *diuretica* saluari solent. Sunt igitur diuretica omnia illa medicamenta, quorum usu urinae se - & excretio impedita restituitur, aut etiam libere ceteroquin succedens magis augetur & acceleratur. Ast, teste experientia, vrina sponte secernitur, & decenti tempore excernitur, si nullum adpareat vitium in massae sanguineae



guineae fluxilitate, aut viarum apertura; hinc diuretica erunt omnia, quae massam sanguineam, cohaesione maiori peccantem, reddunt fluxiliorem, viasque, si obstructae a quacunque etiam causa fuerint, reddunt magis apertas. Quicumque igitur respicit ad modum agendi horum medicamentorum, facile animaduertet, eum variare pro causarum urinae se- & excretionem retardantium diuersitate.

### §. V.

Ex his praemissis legitimo nexu sequitur, ad diuresin naturalem requiri:

- 1) Massae sanguineae motum debitum, & intestinum, & progressuum, per arcus huius visceris arteriosos Ruyſchii, qui nec nimis celer, nec nimis tardus esse debet, alias, in priori casu, particulis sanguinis non sufficiens pro adhaesione conceditur mora, & particulae leuiores redditae non adhaerent; in posteriori vero partes non rite resoluuntur, poris crassiores fiunt, & ob grauitatem maiorem specificam tubulis adhaerere & sic penetrare non valent.
- 2) Partium massae sanguineae ordinatam proportionem, siue, vti aliis audit, *temperiem*, a qua, tanquam materia, dependet motus.
- 3) Viarum debitam conformationem secundum vaporum capacitatem, pororum magnitudinem, fibrarum, vasa constituentium, consistentiam, & grauitatem specificam, quae a cortice renum  
versus



versus infundibulum pelvis magis magisque incre-  
scit.

- 4) Viscerum & musculorum abdominis decentem  
in vias vrinales actionem, quae & a vitalitate,  
& ab elatere fibrarum illa componentium, & ab  
humoribus hic transcurrentibus optime mixtis;  
dependet. §. VI.

Quando nihil praeternaturale (§. III.) circa vri-  
nam obseruatur, diuresis quoque fugit medicamen-  
torum thecas, quia varia vrinae quantitas, qualitas  
diuersa, contenta, consistentia, color, excernendi tem-  
pus, modusque, interdum determinantur a subiecti  
temperamento, aetate, sexu, vitae genere, climate,  
consuetudine, rebus nonnaturalibus, vt aëre, secun-  
dum diuersa anni tempora ac horum tempestates dif-  
ferente, victu ac potu quantitate & qualitate diver-  
sis d), motu excedente aut deficiente, quiete, somno,  
vigiliis, animi pathematibus, ac excretionibus nimis,  
aut consuetis remanentibus.

d) Vid. *Frider. Hoffmann* l. c. §. I. pag. 388. §. XVI. Schol.

§. VII.

Si vero praeternaturale quidpiam in vrina red-  
denda subest, tunc illud vel in massa latitat sanguinea,  
vel in viis vrinae se- & excernendae dicatis. Vtrum-  
que viscera vitiata pro causa agnoscit, quibus ita com-  
paratis, humores per ea non rite mouentur, muscoli  
abdominis tono destituuntur, vnde vrinae excretio  
aut plane cessat, vti in *ischuria* id contingit, aut im-  
minuitur & difficulter succedit, quod in *dysuria*  
euenit, aut cum ardore & dolore profluit, quem af-  
fectum *stranguriam* vocamus, in eoque pariter ac



praecedentibus, pro varia materiae dispositione, varios characteres vitiosos, quoad momenta §. III. iam adducta, deprehendimus.

### §. VIII.

Emendare itaque diuretica debent circulum massae sanguineae, eiusque motum intestinum, iusto celeriore nimirum retardando, tardiore vero accelerando, quo partes ad secretionem decenter praeparentur, debitam grauitatem, impulsus & moram pro adhaesione necessariam acquirant. Hacce ratione in morbis acutis, ut febribus continuis, inflammatoriis, exanthematicis, lentis ac hecticis, indicantur ut diuretica ea, quae resolutorium horum motum infringunt, qualia inprimis sunt increassantia, absorbentia, diluentia, & refrigerantia. E contrario autem in morbis chronicis, laesam sanguificationem pro fundamento habentibus, febribus e. g. intermittentibus, morbis serosis a quantitate excessiua, vel qualitate feri vitiosa, falsa scilicet, dependentibus, ut adfectibus catarrhalibus *e)*, cachecticis, hydropicis, hypochondriacis *f)*, hystericeis, scorbuticis, arthriticis, calculosis *g)*, scabiosis, venereis, &c. & iis, qui ex viscerum obstructione sabuloso-pituitofo-scirrhusa prognascuntur, conducunt diuretica sanguinis motum quadantenus accelerantia, siue stimulantia, nec non sanguinem attenuantia, viscidum diluentia, & resoluentia debitaque salia restituentia. Indirecte autem frictiones, balnea, motus, sternutatio, cantus, tussis moderata ac risus, sub diureticorum nomine veniunt.

*e)* Conf. Georg. BAGLIVII Opera medico-practica & anatomica, Prax. Lib. I. Cap. II. p. 7. edit. Antw. cl. 1735.

*f)* Vid.



- f) Vid. WILLISIVS in Pathologia cerebri, tractat. de morb. convulsu. Cap. XI. pag. 184. 185. & Cap. X. pag. 166. 167.  
 g) Vid. *Iob. Iacob.* WALDSCHMIDII Oper. medic. practic. Tom. I. p. 423.  
 h) Vid. *Hermanni* BOERHAAVE Tract. de viribus medicamentorum, Part. II. Cap. VIII. & IX. pag. 145. 146.

§. IX.

Vti in reliquis corporibus, ita in corpore humano motus vitiatuſ ſemper proportionatuſ eſt deprauatae materiae conditioni & mixtioni, vt, quae intemperie calida laborat, & a cacochymia bilioſa producitur, exhibeat effectus motuſ celerioris; intemperie vero frigida peccans, & a cacochymia pituitoſa introducta, ſiſtat motuſ tardioris phaenomena. Hinc intemperiei calidae ſtatuſ communiter ſeri defectuſ agnoſcit, vnde viaruſ ſiccitas & ariditas ſequitur; frigidae vero & ſiccae intemperiei ſtatuſ, a cacochymia melancholica productuſ, infert motuſ tarduſ, cum rigiditate ac denſitate fibraruſ maiore, quemadmoduſ frigidae & humidae intemperiei ſtatuſ, a cacochymia ſeroſa, vel pituitoſa, ſeroque abundante obortuſ, inducit motuſ tarduſ, debileſ, cum fibraruſ vias componentiuſ mollitie, flacciditate, turgelcentia, ac relaxatione. Hinc, prout ſanguis eſt conſtitutuſ, ita ſine dubio etiam vrina, tanquam excrementuſ eiuſdem indoliſ, quoad quantitatem, qualitatem & excretioniſ moduſ comparata deprehenditur, quatenuſ, quicquid in veſicam per vretereſ deferitur, id omne dein iteruſ profluſit, dum haec quaſi expansionem vreteruſ conſtituit. Intra vretereſ vero deuehitur ex ramis papillarum, qui ex infi-



nitiss renalibus oriuntur canalibus, demonstrantibus in re anatomica celeberrimis illis antesignanis, MALPIGHIO & RVYSCHIO. Sunt vero omnes illi canales exiguarum glandularum renalium emissaria, & quicquid vrinosi in his haeret, id omne ex arteriae emulgentis ramis deriuatur *i*).

*i*) Conf. BOERHAAVE Tractat. de viribus medicamentorum, Part. III. Cap. XIII. pag. 255.

§. X.

Dum itaque diuretica excretionem illam accelerant & promouent, debent sanguinem & inde fecernendam urinam praeparare, id quod pro diuersa intemperie vario fit modo variisque medicamentis. In calida ergo intemperie diuretica sunt,

- 1) quae particulas salinas, alcalicas scilicet acres, inuolunt atque obtundunt, vt absorbentia, terrea, sulphurea fixiora, non acris, specificè leuiora, ex regno animali & vegetabili desumpta, temperantia dicta. Eiusdem census sunt: Lapid. 69. conchae, testae ouorum, succinum album praeparatum, lapis Iudaicus, semen lycopodii.
- 2) Quae ebullitionem sanguinis sulphurque liberatum supprimunt, atque sic refrigerantem exhiberunt effectum. His merito adnumerantur nitrofa, vt nitrum tabulatum, regeneratum, &c. item acidula, qualia sunt clyffus antimonii sulphuratus, syrupus violarum, berberum, acetositat. Citri, spiritus salis & nitri dulcificati, &c.
- 3) Quae ferum calore dissipatum ac imminutum restitunt, in quorum vocantur numerum aquea, diluendo agentia, e. g. aqua fontana, acidulae, infu-



infusa pugillaria, atque decocta ex herbis nitro-  
sis ac refrigerantibus parata.

- 4) Ea, quorum sal in aquoso - oleoso expresso, & ter-  
reo principio haeret. Eiusmodi sunt salia im-  
plicata, mucilaginosae, farinaceae, sub emulsionis  
forma exhibita. Huc referuntur quoque semi-  
na IV. frigida maiora, semen nymphae. nuclei per-  
ficorum, ceraforum, fructus alkekengi, aquae  
quaedam destillatae, sperma ceti, oleum amygd.  
dulg. serum lactis, aliaque huius commatis.

- 4) Vid. *Georg. Wolffg. WEDELII Amoenit. mat. med. Lib. II.*  
Sect. II, Cap. X, pag. 383.

§. XI.

Frigida in intemperie, quae est vel simpliciter  
viscida, seu pituitosa, vel viscida & acida, vel viscida  
& acris, siue salsa, vel sicca & terrea salina, aut tartarea,  
requiruntur tanquam diuretica:

- 1) Quae viscidum resolvunt, humores spissos inci-  
dunt, & poris renum commensurabiles reddunt,  
atque cum fluidis remixta fibras viarum vrina-  
lium stimulant, quo excretio urinae succedat  
largior. Ex horum classe sunt salia alcalina, me-  
dia, interdum sulphure mixta, per se, aut sapo-  
naceo quodam oleoso, quae, ut composita, ma-  
ioris sunt efficaciae, & in insigniori humorum  
visciditate praecipue utilia iudicantur. Locum  
hic obtinent sal iuniperi, ononidis, genistae, sti-  
pitum fabarum, succini volatile, tartarus cru-  
dus, tartarus solutus, vitriolatus, arcanum duplica-  
tum, arcanum tartari, baccae alkekengi, cynos-  
bati, lignum fraxini, semen milii solis, saxifra-  
giae,



giae, lumbrici terrestres praepar. ex coccionella & cantharidibus parata *l*), ac supra allata absorbentia, nec non diluentia aquea non mucilaginosa.

- 2) Viscidam ac acidam intemperiem alterant, partim absorbentia dicta, partim alcalino volatili oleoso acri principio praedita, partim adsumta calida, partim motus corporis lenis. Haec constituunt lapis lyncis, pisolithus, arillae & nuclei cynosbati, radices amaricantes, acriusculae, & herbae eiusd. generis, rad. *s.* aperientes, herba virg. aur. heder. terrestr. capillorum vener. flores genistae, indeque parata salia, Tinct. Tart. simpl. & compos. cum Tinct. antimon. & Ess. succini remixta. Haec omnia acidis, vt contraria, resistunt, vt salia sulphureas sanguinis partes resoluunt, igneas liberant, & sic motum retardatum ac nouam cohaesionem impediunt.
- 3) Acris porro, siue falsa intemperies, emendatur quoque per dicta absorbentia, diluentia, aquea, infusa aperientia, aquoso-oleoso expresso terreo principio instructa, mucilaginosa, farinacea.
- 4) Siccae & tartareae intemperiei succurrunt veluti diuretica, laudata diluentia, salia acida depurata, itemque media, quae dissoluunt & attenuant partes crassiores, terreas diuidunt, cohaesionem impediunt, & secretionem augent, vt spir. salis & vitrioli dulcificati, Tinctur. aperitiua Moebii, nitrosa omnia, & vegetabilia acria & incidentia.
- 5) Quodsi vero tales intemperiei species maiora sumant incrementa, aliis excretionibus, per aluum



uum videlicet aut sudorem, cohibitis, tunc purgantia, ex quorum classe sumuntur cassia & rhabarbarum, aut diaphoretica, tam antimonialia, quam temperata alexipharmaca, diureticorum suppleant locum. Differunt enim diuretica gradu saltem a diaphoreticis: fortius haec pellunt, fortius resolvunt, & copiosius euacuant. Ast diuretica blandius resolvunt, mitius mouent, parciusque euacuant, & vices priorum nonnunquam gerere debent in iis, quos fortius mouere haud licet, quibusue cutis densior est. Purgantia, quatenus fundunt humores, ad vasa urinaria simul ablegant serum, & intuitu consensus intestini recti cum vesica, praecipue in maribus, necessario quoque urinae excretio tali ratione simul prouocatur *m*).

- p) Vid. BAGLIVII Oper. medic. practic. anatom. & speciatim  
Diff. de usu & abusu vesicant. Cap. 2. & 3. p. 651. seq.  
q) Vid. WEDELII Amoenit. mat. med. Lib. II. Sect. Cap. X.  
p. 388.

## §. XII.

Dantur quaedam etiam medicamenta, quae non intemperiei solum medentur, sed actionem in renes & vesicam insimul exercent, vti sunt cantharides & millepedes, ardorem nimirum in renibus, doloremque in ceruice vesicae urinae excitando. Alia vero remedia serosis sanguinis partibus ita adhaerent, ut per eadem naturalis urinae color ad sensum mute-  
tur. Talia suppeditant exempla crocus & rhabarbarum, urinam flammeo imbuentia colore; cassia, quae in parua dosi exhibita urinam reddit viridem,  
in



in maiori fuscam, in maxima atram; asparagi turiones, foetorem conciliantes, ac terebinthina, quae violaceum ipsi communicat odorem *n*). Eiusmodi medicamenta audiunt *specifica diuretica*, non ob vim peculiarem urinam pellendi, sed quatenus massam ferofam aequae ac sulphuream resoluunt, sicque particularum cohaesionem imminuunt.

*n*) Vid. inter alios BOERHAAVE, de viribus medicam p. 218.  
& Illustr. HAMBERGERVS in Observ. ad mat. med. Msct.

### §. XIII.

Non parum contribuit ad circulum sanguinis, praecipue per renes, tardiores reddendum, nimia sanguinis quantitas, quae partim fibrarum tonum superando sanguinis impulsu debilitat, partim ob maiorem copiam sanguinis in vasculis contenti expansionem naturalem motumque destruit intestinum. Hoc facto globuli in sanguine contenti praeternaturaliter cohaerent, sanguis condensatur, particulae ad se- & excretionem minus aptae redduntur: hinc partis rubicundae conciliatur in tubulis renalibus stasis, unde nephritis profunda & superficialis oriri potest. Hisce in casibus diureticorum vice funguntur V.S. aut cucurbitulae scarificatae, femoribus ac suris adplicatae: depletis enim vasculis sanguiferis fibrae se iterum contrahunt, stasis expeditur, hocque peracto vasa urinam vehentia amplius acquirunt spatium, per quod urina dein moveri queat. §. XIV.

Impotentia vasorum decenter transmittendi ea, quae transmitti debent, gignit obstructionem. Haec latet aut in ipsis vasis urinam vehentibus, aut a vasculis proxime his adiacentibus producit, cuius posterioris

caus-



causae esse possunt cacochymiae, varias humorum intemperies (§. X. XI. XII.) inducentes, quae eiusdem generis diuretica quoque indicant. Ipsorum autem vasorum vrinalium obstructio oriri solet,

- 1) ex vitiata humorum ibidem secernendorum qualitate, laesoque se- & excretionis modo;
- 2) nimia fibrarum, tubulos componentium, constrictione aut relaxatione;
- 3) impedimentorum aliorum, ratione excretionis urinae, concursu, qualia in numerato sunt, particulae nimis graues ac magnae, viscidae, tartareae, sulphureae, sanguineae, purulentae, in viis hisce haerentes, aut peregrinum quoddam, vasa urinam secretam vehentia obstruens, id quod constituit materia sabulosa viscido immersa, calculus, caruncula in vrethra haerens, aut ab extra quodlibet comprinens, siue id fiat in vreteribus, siue in collo vesicae.

§. XV.

Humores in viis vrinalibus, praecipue in renibus haerentes impropportionati (§. antec. num. I.), aut ita a sanguine quasi ex fonte separantur, qua ratione medicamentis indigent diureticis (§. X. XI.), aut eiusmodi in renibus vitiatis sub adhaesionis lege generantur, quibus sufficient medicamenta in sequentibus recensenda.

§. XVI.

Ad diuretica optimo iure pertinent, in iis praesertim casibus, in quibus urina propter renum stricturam, vel dolorem aut inflammationem viarum vrinalium, neque secerni & deriuari, neque excerni potest, varia adpropriata, pro causarum & circumstantiarum ratione seligenda. Accidere enim id solet in spasmis



lumborum, doloribus colicis, articulorum morbis, nephritide, scorbuto, malo hypochondriaco ac hysterico. In his vero ratio latitat saepius & in humido hisce in partibus deficiente, & in copia partium terrearum, modo in salibus acribus non decenter his inhaerentibus, modo in humoribus abundantibus, ac inde orta fluidorum stagnatione & infarctu vasorum, nec non in nimia vasorum repletionem, vnde secundum diuersas has determinantes rationes varia quoque adhibenda veniunt diuretica. Humidum ergo restituunt, partes terreas fluxiles reddunt, nec non salia diluendo ac inuoluendo temperant, humida, aquea, aquoso-oleosa, mucilagino-  
sa, emollientia, in- & externe varia sub forma exhibita, vt fodus, cataplasmatibus, vnguentis, linimentis, clysteris, linctus, haustus, infusi, ac decocti, partim supra dicta (§. X. num. 3. 4.) partim potulenta diluta, iuscula temperata, ex pineis, pistaceis, althea, malua, flor. lilior. albor. violar. verbasci, chamomillae, femine lini, farina fabarum, orobi, caric. pinguibus, &c. parata. Infarctus vero vasorum monstrat horum depletionem per supra posita (§. XI. num. 5. & §. XIII. ), & materiae stagnantis resolutionem per discutientia, leniora diaphoretica & iam recensita (§. XI. num. 1. ), semper cum emollientibus, tanquam paregoricis, combinata. Verum enim vero eo in casu, vbi dolor vrget absque inflammatione, etiam MP. de cynoglossa, aut de styrace, aut crocata, nec non alia o) eiusd. generis, praeuia tamen omni circum-  
spectione prudenti, praescribi possunt.

o) Vid. BOERHAAVE de viribus medicament. Part. III. Cap. XIII. p. 260.



## §. XVII.

Saepius etiam, uti iam dictum est, propter tubulorum renalium & meatuum vrinariorum atoniam, & inde inductam seri tartarei, falsi, viscidique subsidentiam, ac vrinae quietem, obstructio oritur, istaque atonia intemperiem frigidam & humidam, aut nimiam fibrarum mollitiem, pro causa agnoscit. Debilis, vel plane impeditus liquidi subtilissimi elastici in renum nervos influxus, hanc simili modo inducere valet, quatenus illud vel in qualitate peccat, vel quantitate deficit, uti haec contingunt in morbis hydropicis, cachecticis, melancholicis, apoplecticis, paralyticis ac soporosis. Haec vitia quando blande adstringentibus & renum tonum roborantibus sanantur, postulant, praeter superius adducta (§. XI. num. 1. 2. 4.), cephalica, neruina, succinata & terebinthinata, e. g. spiritus nephriticos dictos, spiritum iuniperi, maluaticum iuniperinum, oleum macis, anisi, acria oleosa aetherea, ex rore marino parata, rad. tormentillae, bistortae, herbam equiseti, pyrolae, faniculae, alchymillae, vincae per vincae, flores rosarum rubrarum, granatorum, fructus cydoniorum, corni, succum acaciae, rob. sorbi, rad. rub. tinctorum, acidaque iam adnotata (§. num. 4.). Haecce enim ad ipsam calculi generationem impediendam & praecauendam valent, & fabuli iam concreti remotionem adiuuant, si modo prouide, pariori dosi & conueniente tempore exhibentur. Restituto enim tono vasorum orificia coarctantur, sicque ulterius materiae crassae prouentus retardatur, & massa ibi latitans, irritatione quadam in vasis a talibus medicamentis facta, expellitur *p*).



p) Vid. *Frid. HOFFMANNI* Med. rat. system. Tom. II. Part. III. Cap. V. pag. 403. item *HEVCHERVS* in *Dissert. de calculo per adstringentia pellendo.*

### §. XVIII.

Quod ad reliqua impedimenta excretionis vrinæ attinet, viae obstructæ aperiuntur, prout fert materiae dispositio ac viarum conformatio, per antecedenter demonstrata, & ut eo facilius simul restaretur aequalis per omnes partes humorum circuitus, commendentur balnea ac pediluvia. Diluunt enim humiditate humores, emolliunt fibras, dum aqueae particulae ipsarum interstitiis sese insinuant; calore vero resolvunt, poros aperiunt, ac sudoris excretionem promovent. Inflammationes, in vasculis viarum vrinalium proximioribus obuenientes, sanantur superius recensitis (§. X. & XI. num. 3. & §. XIII.), quae sanguinem acrem alterant, stagnantem discutiunt, fibrasque constrictas aperiunt. Ponamus vero, unitatem solutam tollere vrinæ excretionem, tunc partim vulneraria, seu traumatica dicta, partim materiam exulceratam abstergentia, locum obtinent, qualia habentur adstringentia (§. XVII.), & resolventia (§. XI.), aut stimulantia (§. XII.), aut absorbentia aqueo-oleosa expressa (§. X. num. 4.), quae simul sanguinem purulentamque materiam euacuant. Particulae demum nimis graues, magnae, viscidae, tartareae, pituitosae, sulphureae, ex eiusdem generis cacochymiis descendentes, eadem medela corriguntur aut euacuantur, quam cacochymiae secundum superiora (§. IX. sqq.) postulant.

### §. XIX.



## §. XIX.

Ipse calculus, aut concretum sabulosum, vel in renibus; vel in vreteribus, vel in vesica urinaria, vel in vrethra haerens, tamdiu urinae excretionem imminuit, aut saltem impedit, quamdiu aut maiori magnitudine, vel grauitate, vel duritie vasa distendit, aut superficiali quadam asperitate fibras irritat & ad spasticam constrictionem sollicitat, vel vias dilacerat, id quod calculus incuneatus testatur, quem non raro mictus cruentus, aut purulentus excipit. Illa vero medicamenta, quae huncce calculum, praeter extractionem manuali operatione peragendam, ex hisce ut plurimum angustissimis viis educunt, nuncupantur *lithonriptica*. Haec agere debent:

- 1) coagulum tartareum praeparando, & hocce poris commensurabile reddendo;
- 2) vias sufficienter dilatando, ac harum impulsus, si debilis sit, promouendo, & sic pellendo;
- 3) resistentiam vasorum imminuendo, & sic fluxum versus renes partesque excernentes determinando.

## §. XX.

Caruncula, saepenumero in viis urinam vehementibus haerens, aut in renibus ac vreteribus, aut in vrethra, sibi locum figit, hasque partes vel in totum, vel quoad partem obstruit. Prior status, quia tunc excrescentia talis neque manu chirurgica, neque remediis tangi potest, absque curatione in suspenso manet; in posteriori autem restitutio locum habet,



ope nimirum chirurgica & pharmaceutica carnem induratum absumendo mediantibus septicis & cathaereticis, vrethrae prudenter adplicatis. Reliqua, quae exterius vias hasce comprimunt, aut in ipso corpore nostro occurrunt, aut externa sunt, & intra corpus demum deueniunt. In posteriori casu eiusmodi obiecta prouide sunt remouenda; in priori vero, vbi talis compressio vel a foetu grandiori, vel a procidentia vteri dependet, requiritur repositio partis in debitum locum, ac medicamenta antea (§. XVI. & XVII.) proposita, ac speciatim, sub pressione nimia a foetu, carminatiua & antispasmodica, e castoreo, cinnab. natiua, nitro, lumbric. terrestr. &c. itemque infusa ex herb. meliss. flor. chamom. vulg. summitat. millefol. &c. parata, interpositis mitioribus laxantibus, optime conducunt.

#### §. XXI.

Viscerum & musculorum abdominis turbata & incongrua actio in vias vrinae excretioni destinatas (§. V. num. 4.), a vitalitate & elatere fibrarum imminutis, abolitis ac deprauatis, & ab humoribus hic permeantibus non proportionatis ortum ducens, praesupponens specialem visceris impotentiam, humorumque dyscrasiam, quae secundum propriam suam causam emendanda venit. Fusio rem & enarrationem illorum morborum, quibus communiter dysuria, ischuria, stranguria, calculus, &c. iungi solent, tam ob paginae angustiam, quam quia aliunde ex pathologicis haec constant, merito hic omittimus.

#### §. XXII.



## §. XXII.

Vt eo felicius succedat operatio medicamentorum diureticorum, communiter simul adiuuatur vehiculis, aut domesticis, aut adpropriatis, pro medicamentorum constitutione ac indole seligendis. Primum ergo locum ex iis tenent vehicula aqueo-salina, aqueo-spirituosa, ex aromaticis, gummosis, gummeo-resinosis, mucilaginosi, oleosis, pinguibus, &c. conflata. Semper tamen probe obseruetur, vt paulo largiori in quantitate talia superingerantur. Probe etiam aeger obseruet legitimum sex rerum non-naturalium vsum. Secundum experientiam praestantissimorum huius aevi obseruatorum, melius diuretica agere dicuntur, aëre sereno moderateque calido existente, sub quo motus instituitur conueniens, qui ipsis diureticis medicamentis palmam praeripere dicitur *q*). Potus dilutus ac optime defecatus sufficienti ac paullo liberiori in quantitate sumatur. Excretionibus aliae non sint nimis largae, animusque aegroti fruatur tranquillitate.

*q*) Vid. SYDENHAMII Opusc. vniuersa, Edit. Genev. p. 97.

## §. XXIII.

Facilitant diureticorum actionem ipsius corporis ad hanc actionem secundum artis regulas rite instituta praeparatio: agunt enim non modo ex partium constituentium vi, sed & ex receptiuitate in corpus humanum. Quanquam autem diuretica resolvente sua virtute simul alterantem exserant effectum, tamen non facile ante praegressam corporis praeparatio-



rationem sunt exhibenda, sed vel purgantia blanda sunt praemittenda, vel diuretica cum laxantibus, digestiuis & absorbentibus iungenda, ne vel diureticorum retardetur operatio, vel, quod saepius accidit, a fortioribus viarum vrinalium spasmus, mictus cruentus & alia eiusmodi mala excitentur.

#### §. XXIV.

An diuretica sufficienter effectum suum ediderint, adparet ex emissa vrinae quantitate. Haec vero mensurari potest secundum morbi causam, symptomata cessantia, corporis aegrotantis constitutionem, ipsiusque medicamenti adsumti indolem atque dosin. Sic maior vrinae excernitur quantitas in corpore seroso, pituitoso, aut cacochymia serosa laborante, quam in melancholico aut cholericico. Interim tam diu continentur haec medicamenta, quamdiu symptomata in vigore suo perseverant. In morbis chronicis, in quibus materia viscida sensim sensimque resoluitur ac euacuatur, quovis fere tempore institui diuresis potest; ast in acutis circa diem tantum criticum, natura ceteroquin robusta existente, quatenus materia in hisce citius praeparata copiosius excernitur. Medicus insimul probe attendat, an etiam natura & morbus ratione euacuationis materiae peregrinae ad vias vrinales inclinent, an morbifica, uti ferunt, materia in hisce viis saltem haereat, & an vrina secreta per vias tales clausas exire quoque possit. Valet hic veterum regula: Natura si non obtemperet, illi non imperes, eandem non pellas, cum duci tantum velit. Diuretica ex vegetabili



tabili regno defumta, nostro corpori, ob homogeneitatem, sunt magis congrua, & in pluribus eximie conducunt casibus. Ex regno animali & vegetabili deprompta, necessitate urgente, tantum in usum vocantur.

§. XXV.

Quodsi vero citra Medici spem & opinionem accideret, ut operatio horum medicamentorum non cessaret, licet materia sufficienti in quantitate fuerit euacuata, tunc aliis obtundentibus eiusmodi salinorum, aut salino-sulphureorum, acriumque diureticorum virtus infringitur. Si vero oleosa urinae concitauerint fluxum, blande roborantibus, acido-terreis, sistitur, vel si diluentia aquosa, vias relaxando, copiosiores urinae fluxum concitant, renibus succurrimus adstringentibus.

§. XXVI.

Noxia tandem euadunt in subiectis macilentis, melancholico atque choleric temperamento praeditis, plethoricis, grauidis, puerperis, ac in infanti aut senili aetate constitutis. Deficit enim ut plurimum in his serum, sanguis abundans nimium agitur, hinc infarctui, itasibus atque nephritidi ansa praebetur, aut fibrae debiles, vel valde constrictae adhuc praeternaturaliter adficiuntur. Nocent quoque praesentibus primarum viarum cruditatibus, ut idcirco etiam ex eorum peruerso utendi modo febres lentae, hecticae, sanguinisque fluxiones, ob resolutionem humorum maiorem inductam, saepius oriantur. Diuretica, ut resoluentia, sanguini quoque minorem conciliant cohaesionem, unde, cum motus intestinalis insimul augeatur,



spasmodicis dolorificis adhuc, ob calculum, vel aliam materiam crassam, afflictæ partes magis excruciantur, calculumque magis incarcerant, quam protrudunt, unde urina non sine vitæ periculo ad viarum usque rupturam retinetur. Sed hæc valent de illa prouocatione urinae positiua, stimulantibus, acrioribus resinosis, aut nimium irritantibus suscepta; mitiora enim diuretica in morbis fere omnibus, singulisque subiectis admittuntur & conueniunt, tanquam tutissima alterantia r).

r) Vid. COSCHWITZII Diss. de diureseos prouocatione utili & noxia.

T A N T V M

S. D. G.



PRAE-



PRAESTANTISSIMO, ET DOCTISSIMO  
DN. CANDIDATO

SALVTEM ET FELICITATEM OPTAT

D. PHILIPPVS ADOLPHVS BOEHMER,  
MEDICINAE ET ANATOMIAE PROFESSOR PVBLICVS  
ORDINARIVS, NEC NON ACAD. IMPERIAL, NAT.  
CVRIOSOR. SODALIS.

**S**cientiae medicae applicatio difficu'tatibus quam plurimis obsita est, miseraque dicenda medici practici conditio. Etenim non est in medico semper releuetur ut aeger, etsi omnem vigilantiam & peritiam ad restitutionem sanitatis, vitaeque conservationem impenderit, peritissimusque quoque sub infelici forsitan contingente morbi exitu vel perversa hominum iudicia cum existimationis laesione saepius perferre, vel praestitis praestandis, familiarissimum illud ingrati animi vitium aliorumque odia experiri debet. Quae quamvis tyronem a praestantissimo alias studio detertere possent, bona tamen mente conscia recti, ac divinae providentiae praeidio opus, etsi periculosae aleae plenum, adgredi, illudque superare debet. Laudandi igitur sunt TVI conatus, DOCTIS-SIME DOMINE CANDIDATE, quod, quum per plures annos in celeberrimis Academiis ab ore Virorum in arte salutari celeberrimorum pependerit, indefesso insimul labore thesaurum collegeris, quem nunc in DEI gloriam, TVI, aliorumque emolumentum convertere, sicque miseras vitae humanae experiri ipsemet possis. Ascendis hanc ob causam hodierno die cathedram, colophonem vitae academicae addens exoptatissimum. Thema, quod publice defendendum suscepisti, consideratione theoretico practica dignum minino est, cum constet, quam circumspectus debeat esse medicamentorum diureticorum usus. Spectat huc generalis illa, quam HIPPOCRATES Sect. II. Aphor. 51. inculcat, cautela practica, inquiens: multum, & derepente euacuare, aut replere, aut calefa-



calefacere, aut frigefacere, aut aliter quocunque modo corpus mouere periculosum est. Nam etiam omne multum naturae est inimicum; quod vero paulatim fit, tutum est. Itaque medicus rationaliter agit, si, quicquid in morbis mouendum, & promouendum sit, id placide perficiat, habito semper respectu ad indiuidualem rationem, morbi indolem, atque remedium vim. Perpendens nunc, PRAENOBILISSIME DOMINE CANDIDATE, securam, quam didicisti, medendi methodum, positis prius solidis tam in re anatomica, quam reliquis Medicinae partibus fundamentis, cupidissimumque TVVM aliis inseruendi animum, non nisi bona quaeuis & felicia augurari possum, neque in posterum de felicissimis laborum successibus dubito, sed ut TIBI BENIGNISSIMUM NVMEN fausta quaeuis atque fortunata quam clementissime largiatur, omni animo apprecor.

*Dabam Halae Magd. d. XXII. mens. Iunii*

CID MDCC XLIX.

---

**A**rtis Apollineae dum summos ambis honores,  
Et iam de solidis specimen profectibus edis,  
Gratulor & coeptis successus apprecor aequos,  
Ut meritum amplius honos & commoda multa sequantur.

*Nobilissimo atque Doctissimo Domino Candidato, Amico suo aestumatissimo, ita gratulari voluit*

**L. H. VMBSCHIEDEN,**  
Meissenhemio - Bipontinus, Med. C  
Opponens.

